

مخاراب

اقتصادی، اجتماعی، فلسفی، تاریخی، ادبی مجموعه دور
شیمدیك آیده بر نهر اولنور

مضمرجات

هندستانك استقلال مجاهدلری «مصاحبه» يوسف ضیا
اسلام «فلسفه و علوم» مصطفى شكيب
ملوكی طيفلار «هاتاسونك تزدنده تخیلات» قورییه حسین
عجراق عشق سجوده کلام، حضرت نبی عشقه سمیر جمال اوره نوس
سلجوقیلرک اقراضی زماننده، قونییه علمي ضیا
ابن خلدونده اجتماعیات ضیاء الدین قهری
هیاکل دور «ترجمه دور» شیخ شهاب الدین مفتول سهروردی
سهروردینك فلسفه-ی «مکاشفه طریق» يوسف ضیا
سجیه و ذکا اورفولی محمود
تورك متصوفلری (مرید زاده مصطفى عجزی آغا) ظاهر عربی
حی بن یقطان «ابن طفیل» رشید

هندستانده

استفول مجاهد لری

کچن کون اسکی باب عالی جاده سندن کچر کن طلبه دن بر اقدی بکا بر کتاب ویردی .
کتابک اسمی جاذب ایدی : امام الهند مولانا ابوالکلام احمد حضرت لرینک انگلیز محکمه سی
قارشیننده حماست و شهامت اسلامیه بی تجلی ایتدیرن مهم بر نطقی .

اوته دنبری کتابک قابنه کوزل اسملر قونیلدینی حالدیه ایچنده شایان استفاده برشی
بولق ممکن اولمادیغنه آلیشمش اولدیغمدن بو کتابک ده اوته کیر کی اولاجقنی ظن ایدیه رک
اهمیتسزجه صحیفه لرینی قاریشیدیرمغه باشلادم . باش طرفلرندن آچدیغم بر صحیفه ده شو
سطرلره مصادف اولدم : محاکمک دفتر مظالمی پک بیوکدر بومظالمه تاریخ حالا آغلییور
انسان کامل اولان حضرت مسیح علیه السلام بو ظالم محکمه لرک قارشیننده اخذ موقع
ایتدی ، خیرسز لرله برلکده محاکمه ایدلدی . مملکتک اکصادق آدمی اولان (سقراط) ه
زهر ایچیرلدی . مشاهدات علمیه ستی تکذیب ایتمین (فلورانس غالیله) محکمه لر طرفندن
جانی عد ایدلدی . حضرت مسیح حقنده ، انسان کامل ، دیدم چونکه انسان اولدیغنه
معتقدم . فقط بر چوق انسانلر ، اونک ، انسانلغک فوقنده اولدیغنه معتقددرلر . او حالدیه
بوموقع ، محکمه لر حضورنده طوران جانیلرک موقعی ، نه معظم بر موقعدرا بوراده انسانلرک
ابراری ده ، اشراری ده طورییور و او یوزدن بوموقعک شرفی یوکسلییور .

بوسوزلر علی العاده سویلنمش سوزلردن دکلدی بیوک بر متفکرک روحندن قوبان
آتشین بر خطابه وعین زمانده اوزون بر تدقیق محصولی اولارق آله ایدیله بیلن علمی
محصوللر ایدی . کتابک برده آشاغیلرینی آچدم داها مهم وداها قیمتی سطرلر کوزیمه
چارپدی : بشنهی قرال جورج واونک والی عمومیه سی لورد ریدنیغ نظر مزده « عبدالملک

بن مروان، دن و (حجاج) دن داها محترم بر موقعی اشغال ایدم جک! غیر مسلم اجنبی حکومتله ملی حکومت اسلامیہ آراسنده کی شرعی فرقی، هایدی نظراعتباره آلمایلم، لورد (جلمسفورد) ایله لورد (ریدنیک) ه حجاج ایله خالد القسری به قارشی سویلد ککریمزی اولسون سویله میلم می! بز حجاج ایله همبالرینه ه یر یوزینی ظلم ایله طولدیردیکز اللهدن قورقیکز ه دیمشدک. بوکون بونک عیننی سویله یوز. استبدادی احایدنجه به، یاخود بز محو اولنجه به قدرده سویلکده دوام ایدم جکزه

عین محیفده ه حکومتک محضاً بنی جزایه دوچار ایتمک ایچون بورایه کتیرمه سی بنی هیچ بروقت متأثر ایتمز. بنی متأثر ایدن جهت، بر مسلمانک دوفرینی سویله میلم می طلب اولونا جنی یرده، قانون جزانک یوز یکرمی دردنجی ماده سی حق سویلیه بنی دوچار جزا ایتدیکندن دولای هر مسلمانک صوصمانی ایسته مک و مسلمانلرک ظالمه ه ظالمسک، دیمه لرینه مانع اولمقدرد. حالبوکه مسلمانلر، تاریخ اسلامک ایلمک دوره لرنده اک جبار حکمدارلره قارشی ه ظالمسکز!، دیرلر و هیچ بر جزادن، هیچ بر اشکنجه دن قورقمازلردی! بو وضعیت ایله ۱۳۴ نجی ماده کزک احداث ایتدیکی وضعیتی بر کره مقایسه ایدیکز!، دنیلوردی بوسوزلری کورد کدن صوکر کتابی باشند او قومق حسی مقاومت ایدیله میه جک بر حاله کلدی. بر کناره چکدم و کتابی باشند نهایت قدر او قومده؛ اعتراف ایدم رم که حیاطمه بو درجه درین بر علاقه و هیجان باشقه بر اثر دن طویمش دکلم. کتابک سطرلرینی صبر سز لقله تعقیب ایدیور و فکرلرک سیرینی و طرز تعاقبی غیر ارادی بر تهالکله بکله میوردیم. اثری او قودق دن صوکر عبدالحمیدک صوک زمانلرنده رشديه مکتبی یکی کال ایتمش آرقا داشلرمله نامق کال مرحومک وطن، و جز میسنی کیزلی کیزلی او قورکن یاشادیغم هیجانلی دقیقه لری خاطر لادم. شیمدی کیم بیلیر هندک کنج مسلمانلری بو نطقک تأثیری ایله نه جوشقون حسیات ایچنده درلر.

برکون انگیز اسارتندن قورتیلوب ده کندیلرینی حر کورمک سعادتنی اونلر ایچون نه هیجانلی بر مفکوره در.

مع مافیه نطق یالکیز هند کنج لرینی دکل عموم مسلمانلری علاقه دار ایدر. چونکه نطقده امت دستوری جامعیه سیله وطن و حریت عشقیده ایچنه آلان اسلام محیط عمومیدسی موضوع بحثدر. اوراده اسلامیتک اساساتندن درین برووقوف ایله بحث ایدمکده و مسلمانلرک

استبداد ایله مجادله ایتک مجبوری آلتنده اولدقلری واضحاً کوسترلمکده در . چونکه مسلمانلق جمهوری بر نظامدر یعنی شریعتک ازلی اساسلرینک حاکمیتی در . او ، حکومت شخصیه بی طانیاز ، انسانلره مستبد حکمدارلرک اجنبی حکومتلرک روحانی رؤسانک ، متغیبلرک و سائرتهک غضب ایتدکلری حقوقی اعاده ایتک ایچون کوندربلشددر . مسلمانلق ظهور ایدر ایتز حقک قوت اولمادیغنی حقک حق یعنی انحق حق مؤید اولدینی زمان بر مفهوم اوله جغنی یوقسه قوت ، جبروت و ظلم کی عجز و مسکنته دلالت ایده جک صفات مذمومه دن یوقاری حقیقه میه جغنی اعلان ایتدیکی کی بتون امتیازاتی الفا و بتون انسانلرک انسانلقده متساوی ، حقوقده ، حیاته مساوی اولدقلرینی بیان ایتدی . رنک ، عرق ، حسب و نسب فرقلرینی الفا ایتدی یکانه معیار اولارق « عمل » ی طانییدی .

مسلمانلق ، رأی و انتخاب ملته تشکل ایتمین بر حکومت اسلامی بی قبول ایتمه مه لرینی امر ایدیورکن آرتق بومتغلب اجنبی حکومتک نظر اسلامده موقعی دوشونکیز ا .

بر مسلمانک حقه قارشى صوصهاسنی و ظلمک ظلم اولدیغنی اعلان ایتمه مسنی ایسته مک حیات اسلامی سنی فدا ایتمکدن فرقلی دکادر . بناءً علیه امر بالمعروف و نهی عن المنکر فرائض اسلامیتهک اک و کدیر . پیغمبریمز بیوریورکه بر قتالق کورهن اونى الیه ، یاپامازسه دیلی الیه ، یاپامازسه قلیله ده کیشدیر سین که بوصوک شق ایمانک اک ضعیفدر .

قرآن کریم حیات اسلامی بی دورت اساس اوزرینه اقامه ایتمشدر . ایمان ، عمل صالح ، حق تو صیه ، صبری تو صیه « یعنی حق او غورنده دوچار اولونماسی ملحوظ اولان هر تهلکه بی ، هر فلا کته تحمل » در . [۱]

مسلمانلق باشدن باشه بسالت ، شهامت و فدا کارلغه حق او غورنده اولومی استحققاره دعوتدر . قرآن کریم بونی دائمی تکرار ایدر . بر عجزوه خلیفه یه « حقدن قیل قدر آریلیرسه ک سنی قلیجلیرمزله یوله کتیریرز » دیدیکی زمان خلیفه حدتلمیور ، بالعکس ملتک ایچنده حق صدق و اخلاص ایله اعلان ایدن انسانلر بولوندیغنه نمون اولور و حمد و ثنا ایدردی . هندی خطیب نطقنده اسلامی شیوخلاصه ایتدیکم طرزده ایضاح ایتدکدن صو کرا مسلمانلرک ظلمله مجادله لری کوسترمک ایچون تاریخدن بر جوق مثالار ویریور . بومثالر ایچنده امویه و عباسیه خلیفه لرینه یعنی مسلمان حکمدارلره عائد اولانلر بولوندیغنی

کې «هلا کو خان» ، «سعدینک» ، «آقا آن» ، ابن تیمیه نك خطابلری ده ذکر ایدلمشدره .
بویانانندن صوکر خطیب غلیانه کله رك اوت ، دیور جنکیز اردوسنك ائده کله لری
اوچوران قلیجلر واردی فقط مدنی انکله رملتنك هندستان قانون جزاسنده ادخال ایتدیکی
«۱۲۴» نجی ماده یه معادل بر ماده جنکیزك دولته بیه یوقدی .

کوریلور کله نطق هم حریت قهرمانلغی واستقلال مجاهده سنده هند علماسنك کوستردیکی
قدرتی کوسترمك هم ده اسلامیتک بویابده کی اساساتی تصویر ایتک اعتباریله هرا یکی جهتن
شاه اثر در . وکنجلریمزی بواثری او قومغه دعوت ایتک ایچون بوا یکی سبب کافیدریوقسه
نطقك الیوکسك قیمتی براختلاجلینك محکمه حضورنده سویلدیکی سوزلرله صاحب اولدینی
یوکسك روحی اقاده ایتمه سنده درک بوجهت بالذات اثر مطالعه ایدلمکله آکلاشیلیر . قارئلریمزم
اثری تقدیم ایدرکن مترجم وناشرینه تشکر ایتکی وظیفه عد ایدرم .
یوسف ضیا

اسلام

۷

فلسفه وعلوم

مسلمان عالمده انکشاف ایدن فلسفه نك منبئی یونان فلسفه سی ایدی . یونان
فلسوفلرینك اثرلری عربلرجه طاینمه دن اول بونلر آراسنده حقیقی بر فلسفه یوقدی .
یالکز معتزله لك کبی دینی برطاقم احرارانه تمایلار موجوددی که دوغما تیزمدن قورتولمش
برذهنیت دیمکدی . بوذهنیت تام معناسیله فلسفی بردوشونوش دییه مریز .
بوراده بیلنمه سی ایجاب ایدن ایلك مسئله ، قدیم یونان فیلسوفلرینك عربلرجه نه
صورتله معلوم اولدیغیدر . بومعلومیت ، عباسیلر دورنده باشلامشدر . بومشهور خلیفه لرك
ذکاسی خارجدن کان فکرلره قارشى آچیق ایدی . بواشناده یونان ادبیاتی ده عرب عالمجه
طاینمغه باشلامشدی . فضله اولارق عربلر چوق دها اول (سوریه) و (بین النهرین)
خرستیانلریله مناسبتده ایدیلر . یونان ادبیاتی بوخرستیانلر آراسنده عربلردن اول منتشر
اولمشدی . عباسی خلیفه لرندن بالخاصه مأمون [۸۱۳-۸۳۳ میلادی] ، یونان علمنی مسلمان
منورلری آراسنده نشر ایتکی غایه اتخاذا ایتمش و بونك ایچون اعظمی جهدی صرف ایله مشدر .